



盛京通志

第五册


卷之十一

星野 莊 吳 附

卷之十二

疆域 形勝 附

ル 6
437
5



阿 名
437
卷 5

盛京通志卷之十一


星野 祥異附

地之分野何以上符天星乎三才一理也地與天配

人與天通故山川既奠星漢為昭皇極克端休徵必

見法雖掌自義和道實關於修省

盛京發祥重地尤不可略也



盛京通志

卷之十一

星野





六

尾箕分星野之圖

天江

神宮

尾宿




備說

魚

○

其宿



孟冬之月日在尾 月令

孟冬者日月會於析木之津而斗建亥之辰也 月令注

按三統曆十月節日在尾十度十月中日在箕七度

按元嘉曆十月節日在心二度十月中在尾十二度

月令疏

自尾四度至斗六度謂之析木之次 蔡邕月令章句

箕斗之間有天漢故謂之析木之津 春秋左傳註

箕星散為幽州分為燕國 春秋元命苞

幽州為析木之次析木謂之津箕斗之間漢津也 爾雅

○孫炎註析別水木以箕斗之間是天漢之津也○劉炫疏箕木位斗水位按舜分冀東北為幽州特

西之地耳遠以東則舜之營州矣爾雅以幽州為析木之次今

京疆域遠軼幽營之表而析木之津則兼斗宿較箕尾分野為少濶云

箕龍尾 爾雅註

尾箕在蒼龍之末故曰龍尾 爾雅疏

東宮尾為九子箕為赦客 史記天官書

析木初尾十度立冬中箕七度小雪終於斗十一度

漢書律歷志

尾九星後宮之場妃后之府上第一星后也次三星

夫人次星后嬪妾第三星傍一星名曰神宮解衣之

內室尾亦為九子星色欲均明大小相承則后宮有

叙多子孫箕四星亦後宮妃后之府亦曰天津一曰
天雞主八風凡日月宿在箕者風起又主口舌隋書天文

班固取三統曆十二次配十二野其言最詳自尾十
度至南斗十一度為析木於辰在寅燕之分野屬幽
州費直說周易析木起尾九度蔡邕月令章句析木
起尾四度州郡纏次陳卓范蠡鬼谷先生張良諸葛
亮譙周京房張衡並云尾箕燕幽州涼州入箕中十
度上谷入尾一度漁陽八尾三度右北平入尾七度
西河上郡北地遼西東八尾十度涿郡八尾十六度

渤海入箕一度樂浪入箕三度元菟入箕六度廣陽

八尾九度晉書天文志

尾十八度箕十一度五代史

星紀得雲漢下流百川歸焉析木為雲漢未派山河
極焉故其分野自南河下流窮南紀之曲東南負海
為星紀自北河未派窮北紀之曲東北負海為析木
尾箕析木津也初尾七度餘二百七十五秒二十
一少中箕五度終南斗八度自渤海九河之北得漢
河間涿郡廣陽及上谷漁陽右北平遼西遼東樂浪
元菟古北燕孤竹無九夷之諸國尾得雲漢之未派

龜魚麗焉當九河之下流濱於渤海皆北紀之所窮也箕與南斗相近為遼水之陽盡朝鮮三韓之地

唐書

天文志

東方尾宿九星按漢永元銅儀尾宿十八度唐開元游儀同舊去極百二十度一云百四十度今百二十四度景祐測驗亦十八度距西行從西第二星去極百二十八度在赤道外二十二度乾象新書二十七度箕宿四星按漢永元銅儀箕宿十度唐開元游儀十一度舊去極百十八度今百二十度景祐測驗箕四星十度距西北第一星去極百二十三度

宋史天文志

冬至之日堯時纏虛至三代則纏於女春秋在牛漢永元已在斗矣大略六十餘年輒差一度開禧占測已在箕宿較之堯時幾遲四十餘度

赤道宿度尾十八度箕十一度黃道宿度尾十七度

少箕十度

宋史律曆志

黃道宿度尾十七度九十九度箕九度五十九度

元史曆志

黃道十二次宿度尾三度一合一十五杪入析木之次辰在寅

同上

太陽黃道十二次入宮宿度尾三度九十七分七十一杪外入析木之次辰在寅

同上

星分度尾十八箕一十四分一淮南鴻烈天文訓

尾九星如鈎蒼龍尾下頭五點號龜尾尾上天江四

橫是尾東一箇各傳說傳說東邊一魚子尾西一室

是神宮所以列在星中步天歌

箕四星形狀似箕箕下三星名木杵箕前一黑是

糠皮同上

箕尾之間謂之九江口觀象玩古

白尾十度至斗七度百三十五分而終曰析木之次

於辰在寅謂之攝提格於律為應鐘斗在亥帝子世紀

尾有七星形如蠟尾箕有四星形如牛角法苑珠林

尾漢太初曆洛下閎所測十八度宋皇祐所測十九

度崇寧所測十九度少元授時曆郭守敬所測十九

度十分古今律曆考

箕太初曆十一度皇祐所測十度元豐所測十一度

崇寧所測十度半授時曆所測十度四十分同上

堯之冬至初昏昴中而月在虛七度則日行比陸繹

於元枵之子也今之冬至初昏室中而日在箕三度

則日行東陸繹於析木之寅也計今去堯未四千年

而差五十度矣鄭曉天文通

尾九星去極一百二十七度半箕四星去極一百二

十一度 文獻通考

尾箕星曰析木宮曰人馬時曰寅 山堂考索

第五尾四足箕四足斗一足在寅歲星位焉其神如

弓故曰人馬宮 文殊所說善惡諸曉經

陳卓謂尾箕燕幽也自尾十至南斗十一費直謂起

尾九蔡邕謂起尾四 王

祥異

周

五星聚於箕年分未詳 按史言齊桓公將霸五星聚箕者桓公以莊王十二年立

唐王二十一年會比杏四年主盟於幽而霸業成則五星聚箕當在莊侯之間

漢

文帝後七年九月有星孛於西方本直箕尾長丈餘

及天漢十六日不見

景帝三年九月戊戌晦日食幾盡在尾九度

建元三年九月丙子晦日食尾二度

六年六月丁酉遼東高廟災

董仲舒曰高廟不當居遼東於禮亦不當立

元封中星孛於河戌

其後漢兵擊拔朝鮮以為樂浪元菟郡

太初十年三月壬子京師及營州地震

十九年四月乙未地震

二十二年三月癸未營州地震

元鳳五年四月燭星見奎婁間

占日有土功邊城和六年正月築遼東元

菟城二月度遼將軍范明友擊烏桓還

甘露元年八月辛亥日犯箕

後漢

永平十三年十月甲辰晦日蝕尾十七度

元初元年十月戊子朔日蝕尾十度

永和六年九月辛亥日蝕尾十一度

光和元年二月辛亥朔十月丙子晦日蝕箕四度

初平元年四星聚箕尾

見宋書

是年襄平延里社生大

石長丈餘有二小石為之足

冬十一月庚戌鎮星熒惑太白合於尾

三國

魏

明帝景初元年十月壬申太白書見在尾歷二百餘

日

占日尾為燕有兵時公孫淵自立為燕王置百官發兵距守司馬懿討滅之

二年八月大流星墜襄平城東南長數十丈白色有

芒從首山東北墜城東南九月司馬懿破公孫淵淵

突圍走至星墜所被斬○公孫淵據遼東時有大冠

憤絳衣上屋炊有小兒蒸死甑中襄平北市生肉塊
長圓各數尺有眼口衆無手足而動搖占曰有形不成有口無聲

其國滅人

晉

太始元年木連理生遼東方城

二年正月己亥白虎見遼東樂浪

咸寧二年五月戊子甘露降元菟郡治

太康元年遼東馬生角在兩耳下長三寸

永熙元年太白失行自翼入尾旗

元康二年遼東地震

永康元年八月熒惑入箕

大安二年八月熒惑入箕

永興元年七月庚申太白犯角亢經房星歷尾箕

永嘉二年襄平縣梁水淡池竭

建興元年八月癸亥嘉禾生襄平縣一莖七穗

二年木連理生襄平

九月丙戌麒麟見襄平州刺史崔岳以聞

三年白雉見襄平

咸和八年五月己巳麒麟見遼東

咸康二年海水冰

永和六年月犯箕

太和十九年四月巳巳月掩歲星在尾

寧康元年彗星出尾箕掃東井自夏及冬不滅

太元十八年二月客星在尾中至九月乃滅占日燕有兵喪

二十年慕容垂伐魏為所破其後景星見箕尾而慕容德復燕此分野之驗也

十九年四月巳巳月奄歲星在尾

義熙十三年月犯箕

唐

貞觀十八年五月太白辰星合於東井占日有兵謀十九年六月

內辰太宗征高麗次安市城

永徽六年七月乙亥歲星守尾

咸亨二年十一月甲午朔日食箕九度

三年十一月戊子朔日食尾十度

永隆九年十一月壬申日食尾十六度

開耀元年十月丙寅日食尾四度

天寶九載八月五星聚於尾箕熒惑先至而又先去

貞元八年十一月壬子朔日食尾六度

長慶元年二月丁亥月犯歲星在尾

開成三年十一月乙卯彗星在尾箕東西亘天十二

月壬辰不見

光啓二年五月丙戌有星孛於尾箕

天復元年五月己巳夕有星當箕下如炬火炎炎上

衝高丈餘乃隕

占曰機星也

宋

至道五年七月壬寅月掩箕

咸平四年十二月辛卯太白犯箕

祥符五年十月戊申太白犯箕

天禧四年二月壬寅月犯箕四月丁酉犯箕七月己

未太白犯箕

五年七月壬午太白犯箕

寶元元年八月辛未犯箕

嘉祐三年九月甲戌掩箕

熙寧二年六月丙辰客星出箕度中至七月丁卯犯

箕乃散

三年二月甲申月犯箕東北星

十年正月乙未月犯箕東北星

紹聖元年二月甲子犯箕六月辛巳犯箕八月丙辰

犯箕東北星

二年五月己酉犯箕東北星八月辛未犯箕北第一

星

紹興四年二月戊子熒惑與填星合於箕

六年十一月癸巳填星熒惑合於尾

七年十一月癸巳填星與熒惑合於尾

十三年九月辛未熒惑太白合於尾

二十三年十二月乙丑歲星熒惑合於尾

二十五年十一月壬申填星辰星合於尾

三十一年十二月甲辰填星辰星合於尾

三十二年八月辛未熒惑填星合於尾

隆興元年十二月辛酉填星歲星合於箕

二年八月癸酉熒惑與填星合於箕十一月丙辰填

星歲星合於箕

乾道五年辛巳熒惑辰星合於尾

淳熙二年九月甲寅填星熒惑合於尾

四年九月己亥熒惑歲星合於尾壬子填星熒惑歲

星合於尾

八年八月庚戌熒惑守箕

十五年十二月壬戌填星歲星合於尾

紹熙三年九月乙亥熒惑填星合於尾

慶元五年十二月辛未填星歲星合於箕

嘉泰三年六月乙卯客星出東南尾宿間色青白大

如填星甲子守尾

開禧三年十月丙辰熒惑與太白合於箕

嘉定十七年六月己丑客星守犯箕

端平三年九月庚申填星歲星合在尾

嘉熙四年七月庚寅出尾宿

淳祐十二年戊戌填星熒惑合於箕

景定元年正月庚辰填星入尾又歲星與熒惑入尾
遼

天顯元年正月乙未白炁貫日

庚申拔扶餘城

七月甲戌大星隕辛巳黃龍見太祖次扶餘府是夕

大星隕於握前辛巳平旦子城上見黃龍繚繞長可

一里光耀奪目入於行宮有紫黑氣蔽天逾日乃散

後因以扶餘爲黃龍府

九年大星晝隕

十二年四月甲申地震五月雷震開皇殿

應曆二年十一月己巳地震

十四年四月黃龍府甘露降

統和元年東京平州旱蝗

八年三月庚辰太白熒惑鬪凡十有五次

十一月丁酉太白晝見

九年八月東京甘露降壬午東京進三足鳥

二十年東方五色虹見

太平五年三月魚兒灤有聲如雷其水一夕起沙岡
四十里別爲一陂

十一年大雨水諸河橫流皆失故道

咸雍元年有星如斗逆行隱隱有聲

十二月壬子熒惑與月並行自旦至午

二年秋七月辛丑熒惑晝見

大康五年十二月丙午彗星犯尾

九年四月丙午朔大雪平地丈餘馬死十六七

大安四年春正月甲寅太白晝見五色雲氣出東方

大若二千石困倉之狀司天孔致和竊謂人曰其卜

當生異人後爲金太祖受命之祥

乾統三年秋七月中京雨雹傷稼

九年秋七月隕霜傷稼

天慶四年正月寧江州火光正圓自空而墜

八月己卯黃龍見空中太祖伐遼次寧江州見之曰

此天助也遂大敗遼兵

金

天會三年七月錦州野蠶成繭

九月廣寧府獻嘉禾

四年十月中京進嘉禾

六年移懶路饑

十年四月鴨綠江混同江暴漲

十三年四月甘露降熊岳縣

冬移懶曷懶等路饑

十五年七月有司進四足雀丙戌夜京師地震時京師乃

今寧占塔地

天眷元年夏蒼龍見一爪承一嬰兒兒為龍所戲略

無懼色三日如故

秋七月丁酉出許河溢壞廬舍民多溺死

二年五月戊子太白晝見八月丁丑太白晝見

三年十二月丁丑地震

皇統元年十一月己酉上京稽古殿火

二年七月北京廣寧府蝗

七年正月辛未彗星出東方長丈餘凡十五日丁亥

太白經天七月己巳太白經天

八年十月甲申太白晝見

十一月壬辰太白經天十二月丙寅太白晝見

九年四月壬申夜大風雨雷電震寢殿鴟尾有火入
寢殿燒幃幔

天德二年十一月丙戌白虹貫日

四年正月癸卯太白經天五月己亥丁巳太白再經
天

十二月乙卯閏月己亥太白再經天

貞元元年十二月太白經天閏月癸巳太白經天

正隆六年黃龍見東京東梁水溢世宗在遼陽方寢
有紅光照其室及黃龍見於屋上夜有大流星入其
邸八月復有雲氣自西來黃龍見其中是時臨潢府

聞空中車馬聲仰視其風雲杳靄神鬼兵甲蔽天自
北而南未幾詔南下

十月丙午慶雲見東京是爲元世祖受命之祥

大定十七年三月戊申兩星闕於臨潢形上銳色赤

遼東旱蝗

九月庚戌歲星熒惑太白聚於尾

元

至元二年四月遼東饑十二月北京蝗

五年遼東瀋陽路饑

七年五月東京饑

九年七月水達達部饑

十三年濟州水

十八年二月遼陽懿州蓋州大水廣寧北京大定州旱

二十三年東京誼靜威遠婆婆等處水

二十四年九月東京威遠婆婆等路大水

二十六年四月遼東饑

二十七年開元路寧遠縣饑北京地陷

二十九年閏六月遼陽瀋州廣寧開元等路雨雹

三十一年十月遼陽路大水

元貞元年六月蓋州明山縣螟七月遼東大水

二年八月金復州限霜殺木

十二月遼東開元二路旱

五年七月遼陽大寧路水

七年六月遼陽大寧瀋陽開元雨水壞田廬

大德元年十一月遼陽打鴈孛蘭奚戶那懷妻和里

迷一產四男

二年八月壬戌太陰犯箕

三年八月丁巳太陰犯箕

五年七月遼陽大寧二路大水

七年六月遼陽大寧開元等路大雨水壞田廬男女
死者一百十有九人大寧路蝗

皇慶元年六月大寧水達達路雨宋瓦江溢民避居
亦母兒乞嶺開元路風雹害稼

延祐三年四月遼陽蓋州饑

四年四月遼陽蓋州雨水害稼

五年正月甲戌懿州地震

六年六月遼陽廣寧瀋陽開元等路水

七年五月瀋陽路饑九月開原路三河溢沒民田壞
廬舍

至治元年十月遼陽水

泰定元年咸平府清寇二河合流失故道隳堤堰

三年十一月瀋陽大寧廣寧等路饑

十一月瀋陽大寧廣寧金復州饑

十一月遼陽大水大寧路瑞州大水壞民田五千五

百頃廬舍八百九十所溺死者百五十人

四年正月遼陽諸郡饑

致和元年四月大寧路屬縣饑六月開元路水大寧
屬縣雨雹

天曆二年四月大寧與中州蝗七月大寧惠州雨雹

大寧遼陽等郡屬縣蝗

三年七月開原路雨雹

至順元年大寧路屬州縣水

至正二年十一月辛卯歲星熒惑太白聚於尾

二十六年十一月丙申太白歲星辰星聚於尾

明

天順元年春開原城南門外池中忽生莖開黃蓮花

一朶大如盤鮮妍可愛

三月五日戊寅無雲而晦西南風聲如雷屋瓦皆飛

揚沙拔木西關火起延燒居民房室及東北古廟松

榆數百殆盡廟貌依然人咸異之

弘治三年春三月開原火化為鴉火墜城中俄化鴉

百餘沿城旋遶次日災人畜死者甚衆

四年夏四月辛酉月食尾

十七年開原五色雲見

正德元年春三月開原大風屋瓦皆飛晝晦如夜

秋七月遼陽大水平地深丈餘

十六年春二月辰星留守尾

嘉靖二年夏四月大風連日不止損禾苗大半

已卯至壬午大雨河水泛漲衝沒田禾男女漂溺共

一百四十名口牛馬等畜四百五十有餘傾倒城垣
公館民舍甚多是歲免田租之半

四年春正月一日黃霧四塞

夏五月遼陽地震者三

秋七月錦州雨雹有物如龍橫空帶去庄房廟宇三
百餘間林木無算

冬遼陽金州復州大雪深丈餘人畜凍死者甚衆

六年春開原空中有火大如車輪

三月壬午客星入月

四月辛酉天鼓鳴

丙寅雨五龍見於北

辛未夜天鼓鳴星明如晝

六月河西蝗飛蔽天損害禾稼

七月蝻生平地深數尺

九年夏五月河西大雨雹傷人畜甚衆禾盡損

十二年河西大旱蝗飛蔽天

十四年大雨自四月至六月不止河水泛漲平地深
丈餘是年大饑

十五年秋七月大風雨雹禾損大半

十六年夏大水關原寧遠等處壞廬舍人畜溺死禾

稼淹沒

萬曆三十七年遼東地震

四十四年遼東兵端出火

四十六年東方白氣竟天

四十七年五星闕於東方

四十八年遼東火藥局災

本朝

順治七年水渾河太子河俱溢廬舍有漂溺者

十一年十一月大雪深盈丈雉兔皆避入人家

康熙二年四月二十二日奉天府大風旋風一道過

處屋瓦皆飛房舍傾倒

十八年七月地震

十九年大有年

二十年大有年

三十年

大政殿瑞雪成花南北名卉皆備經月不散

三十七年義州地震

四十二年奉天府承德等處饑是年應徵米豆全借

給民人穀石俱於次年帶徵

四十七年正紅旗佐領奇新泰妻一產三男

五十八年默爾根東南地中起火石塊上騰下成池
沼

五十九年二月丁丑大雪

雍正元年大有年

六年正白旗劉燦妻一產三男

九年牛莊郭良玉妻一產三男

十年三月鑲藍旗阿中阿妻一產二男

四月永吉州火五月鐵嶺縣火

十一年大有年正藍旗先朝良妻一產三男

十二年大有年

十三年渾河溢決岸秋大有年

盛京通志卷之十一

盛京通志卷之十二

疆域形勝附

盛京西接

畿輔東控朝鮮濱瀛海以帶龍江俯登萊而通朔漠其
大勢然也司民牧者兩郡攸分統軍政者二鎮是賴
既星羅而棋布應畫界以分疆念

王業之所基苞桑培及萬世知邊防之為重屏翰拱於
神京矣

盛京疆域

東至海四千三百餘里

西至山海關八百餘里山海衛界

南至海七百三十餘里

北至黑龍江外興安嶺五千一百餘里鄂羅斯界

東南至希喀塔山二千餘里朝鮮界

西南至海八百餘里

東北至飛牙喀四千餘里海界

西北至西結臺六百九十餘里蒙古奈曼界

以上東西廣五千一百餘里南北袤六千八百三

十餘里東南至西北二千六百九十餘里西南至

東北四千八百餘里

盛京城西南至

京師一千五百餘里

奉天將軍所轄疆域

東至 興京邊二百八十餘里吉臨烏喇界

西至山海關八百餘里山海衛界

南至金州南境七百三十餘里海界

北至開原邊二百六十餘里

東南至鎮江城五百四十餘里朝鮮界

西南至海八百餘里

東北至威遠堡二百三十餘里永吉州界

西北至九官臺門四百五十餘里蒙古界
奉天府所轄疆域

東至撫順八十餘里撫順城守專轄界

西至寧遠州土衝衝山七百八十里山海衛界

南至寧海縣紅頭崖七百三十餘里海界

北至長寧縣松花江八百七十餘里蒙古界

東南至遼陽州浪子山一百八十里鳳凰城界

西南至寧遠州官牆七百九十餘里山海衛界

東北至永吉州墨稜河二千四十里寧古塔界

西北至義州大寧堡四百五十餘里邊界

按奉錦二郡旗民雜處編戶則守令治之八旗則
城守轄之守令所治之外有屬本城城守轄者有
屬他城城守轄者又有不隸城守總屬將軍轄者
彼此疆域廣狹參差不同今照旗民舊界分列其
黑龍江界開拓在後照新增州縣例載奉天寧古
塔旗界之次

承德縣 附郭

東至撫順八十里撫順城守專轄界

西至遼河一百里廣寧縣界

南至十里河六十里遼陽州界

北至懿路站七十里鐵嶺縣界

東南至大堡八十五里遼陽州界

西南至新臺子七十五里遼陽州界

東北至黑林子八十里外為奉天將軍專轄界

西北至十方寺九十里鐵嶺縣界

遼陽州

東至官馬山七十五里外為鳳凰城界

西至煙狼寨五十里外為牛莊界

南至黑峪八十里海城縣界

北至楊家灣六十里外為奉天將軍專轄界

東南至浪子山站六十里外為鳳凰城界

西南至鞍山驛六十里外為牛莊界

東北至十里河六十里承德縣界

西北至船城六十里外為奉天將軍專轄界 北至

盛京城一百二十里

海城縣

東至牛心山九十里鳳凰城界

西至三汊河六十里廣寧縣界

南至耀州六十里蓋平縣界

北至鞍山驛六十里遼陽州界

東南至白土嶺六十里蓋平縣界

西南至大孤山八十里蓋平縣界

東北至龍降洲八十里遼陽州界

西北至接官堡六十五里遼陽州界 北至

盛京城二百四十里

蓋平縣

東至剉草峪一百一十里外為城守專轄界

西至連雲島十五里海界

南至李官墳河九十里復州界

北至淤泥河五十里海城縣界

東南至大莊河二百四十里東海城南復州界

西南至灰州九十里海界

東北至白土嶺八十里海城縣界

西北至小孤山六十里海城縣界 北至

盛京城三百六十里

開原縣

東至耿家莊七十里邊界

西至遼河六十里外為城守專轄界

南至山頭舖河五十里鐵嶺縣界

北至新邊十里

東南至馬家寨六十五里鐵嶺縣界

西南至遼河六十五里外爲城守專轄界

東北至新邊門三十里永吉州界

西北至遼河六十里邊界 西南至

盛京城一百里

鐵嶺縣

東至老古洞一百二十里外爲開原城守界

西至刁躡山七十里廣寧縣界

南至懿路站六十里承德縣界

北至山頭鋪二十里開原縣界

東南至瓢酪屯五十里外爲奉天將軍專轄界

西南至小河口六十里承德廣寧二縣接界

東北至紅草石三十里外爲開原城守界 南至

盛京城一百三十里

永吉州

東至昂邦奪河大嶺二百里已裁泰寧縣界

西至威遠堡門五百七十里開原縣界

南至訥秦窩集七百三十里外爲寧古塔將軍專轄
界

北至法塔門二百一十里長寧縣界

東南至長白山一千三百里外為寧古塔將軍專轄界

西南至富哈山五百里外為寧古塔將軍專轄界

東北至墨稜河二百四十里外為寧古塔將軍專轄界

西北至克勒素門四百六十七里外為寧古塔將軍

專轄界 西南至

盛京城八百餘里

長寧縣

東至蘭河一百三十里阿什河界

西至松花江東岸二里郭爾羅絲查渾界

南至松花江二里郭爾羅絲查渾界

北至松花江七十里郭爾羅絲八兔界

東南至巴陽峨佛落邊門三百三十里船廠界

西南至松花江北岸二里郭爾羅絲查渾界

東北至蘭陵河口一百五十里郭爾羅絲八兔界

西北至松花江東岸四十里郭爾羅絲查渾界 南

至

盛京城一千三百里

復州

東至岫巖三百三十里海城蓋平二縣界

西至紅崕子三十里海界

南至捕拉店九十里寧海縣界

北至李官墳九十里蓋平縣界

東南至黃崕臺一百四十里寧海縣界

西南至石門口九十里海界

東北至雕龍崕二百五十里熊岳界

西北至碑文石三十里海界 北至

盛京城五百四十里

寧海縣

東至畢里河一百八十里岫巖界

西至海岸三里

南至柳樹屯三十里海界

北至橫頭河一百里復州界

東南至黃嘴岸八十里海界

西南至雙山島一百四十里海界

東北至荒地一百一十五里復州界

西北至蕎麥山三十里海界 北至

盛京城七百二十里

錦州府所轄疆域

東至廣寧縣蛤蜊河二百四十里遼陽州界

西至寧遠州土衝山二百九十里山海衛界

南至海三十里

北至義州清河門一百四十里邊界

東南至廣寧縣三汊河三百五十里海城縣界

西南至寧遠州關牆三百里山海衛界

東北至楊柳木河三百八十里開原城守界

西北至寧遠州筆架山一百六十里邊界 東至

盛京城四百九十里

錦縣附郭

東至頭臺子一百五里廣寧縣界

西至岡家屯九十里邊界

南至海三十里

北至齊家堡四十五里義州界

東南至白馬溝八十里廣寧縣界

西南至老和尚臺九十里寧遠州界

東北至迎仙舖八十里義州界

西北至松嶺門九十里蒙古界 東北至

盛京城四百九十里 西南至

京師一千餘里

寧遠州

東至邴家屯十五里錦縣界

西至土衡衛山一百九十里山海關界

南至海防五城十里海界

北至寨兒山三十五里錦縣界

東南至釣魚臺十五里海界

西南至關墻一百九十里山海衛界

東北至雙樹舖十八里錦縣界

西北至筆架山五十里邊界 東北至錦州府治一

百一十里 東北至

盛京城六百里

廣寧縣

東至蛤喇河八十里遼陽州界

西至捺馬嶺四十五里義州界

南至杜家臺九十里海界

北至羅家臺七十里邊界

東南至三汊河一百九十里海城縣界

西南至間陽驛五十里錦縣界

東北至楊檉木河二百二十里開原城守界

西北至魏家嶺五十里義州界 西至錦州府治一

百六十里 東至

盛京城三百三十里

義州

東至捧馬嶺一百五十里廣寧縣界

西至圖立根三百六十里蒙古界

南至齊家堡四十五里錦縣界

北至八十罕臺一百九十里蒙古界

東南至乾柴嶺七十里錦縣界

西南至了八石八十里錦縣界

東北至招蘇營子三百三十里蒙古界

西北至土門兒三百八十里蒙古界 南至錦州府

治九十里 東至

盛京城四百二十里

興京城守

入旗外城疆域所屬撫順交界在內

東至汪清門六十里 興京界

西至鑱刀灣二百五里外為奉天將軍界

南至四方臺一百七十里鳳凰城界

北至撒克禪一百二十里渾河北開原城守界

東南至陡嶺邊三十五里 興京界

西南至平頂山一百九十里遼陽城守界

盛京城二百五十里
遼陽城守
東北至英額一百五十里外開原城守界
西北至年馬州一百七十里開原城守界
西北至

盛京城二百五十里

遼陽城守

東至一堵牆三百五十里 興京界

西至網戶屯一百二十里廣寧城守界

南至生鐵嶺一百三十里岫巖界

北至十里河六十里將軍專轄界

東南至分水嶺一百九十里鳳凰城界

西南至新臺子九十里牛莊界

東北至張起寨一百二十里撫順界

西北至四方臺九十里廣寧城守界 北至

盛京城一百二十里

蓋平城守

東至魏家大嶺一百五里岫巖界

西至連雲島十五里海界

南至鳴珂嶺三十里熊岳界

北至金長嶺七十里牛莊界

東南至哈什螞嶺九十一里岫巖界

西南至望海寨三十里熊岳界

盛京通志 卷之十一
東北至白土嶺一百里牛莊界

西北至青堆子七十里牛莊界

牛莊城守

東至豬窩嶺九十里遼陽城守界

西至八王廟九十里廣寧城守界

南至金長嶺六十里蓋平城守界

北至高麗房身七十里廣寧城守界

東南至康家嶺一百里岫巖界

西南至海一百里

東北至安山八十里遼陽城守界

西北至三家子七十里廣寧城守界 東北至

盛京城二百四十里

開原城守

東至耿家莊七十里邊界

西至彰武臺二百二十里廣寧城守界

南至懿路河北一百三十里外爲將軍專轄界

北至新邊十里

東南至英額二百一十里 興京界

西南至遼濱塔一百九十里承德縣界

東北至威遠堡門三十里外爲永吉州界

西北至古城堡四十里邊界

鐵嶺城守

東至門坎哨一百三十里外爲興京界

西至燈寺堡一百五十里廣寧縣界

南至懿路六十里承德縣界

北至山頭鋪二十里開原縣界

東南至渾頭河七十里外爲將軍專轄界

西南至馬門子九十里承德廣寧二縣界

東北至木牙正七十里外爲開原城守界

西北至蛇山溝九十里開原縣界

熊岳城守

東至畢里河一百二十里岫巖界

西至兜兒島二十里海界

南至永寧建六十里復州城守界

北至鳴珂嶺三十里蓋平城守界

東南至歸化堡一百餘里金州城守界

西南至五十寨五十餘里海界

東北至石道口四十餘里蓋平城守界

西北至深井子三十餘里海界 北至

盛京城四百二十里

鳳凰城城守

東至鬻江一百二十里朝鮮界

西至牛心山二百一十三里海城縣界

南至海一百六十里

北至分水嶺一百八十里遼陽城守界

東南至義州江一百二十里朝鮮界

西南至哨子河九十五里岫巖界

東北至孤山一百九十五里興京界

西北至分水嶺一百三十一里遼陽城守界 西北

至

盛京城五百一十里

復州城守

東至歸化堡一百五十里熊岳界

西至紅崖子三十里海界

南至缸窰八十五里海界

北至永寧建五十里熊岳界

東南至橫頭河八十五里金州城守界

西南至長興島四十里海界

東北至大龍口五十里熊岳界

西北至老瓜島四十里海界

金州城守 金州即寧海縣

東至城子山九十里海界

西至海三里

南至紅土岬十二里海界

北至橫頭河一百里復州界

東南至海青島五十里海界

西南至鞍子山六十里海界

東北至畢里河一百六十里岫巖界

西北至石河驛六十里海界

岫巖城守

東至哨子河六十里東鳳凰城界

西至棋盤嶺六十里蓋平界

南至海一百五十里海界

北至分水嶺一百五十里遼陽州界

東南至洋河口一百五十里東鳳凰城界

西南至畢里河二百四十里西熊岳界南復州界

東北至東分水嶺一百五十里東鳳凰城界西遼陽

州界

西北至姑嫂石一百三十里海城牛莊分界 北至

盛京城四百二十里

錦州府城守

東至劉三廠九十里廣寧城守界

西至柵子嶺一百四十里山海關城守界

南至湯家臺五十里海界

北至齊家堡四十五里義州城守界

東南至蔡河溝一百里廣寧城守界

西南至紅土墻三百里山海關城守界

東北至四方臺八十里廣寧城守界

西北至松嶺子九十里蒙古界

寧遠城守

東至杏山八十里

西至七里坡十八里

南至海十二里

北至新臺邊門四十里

中前所城守

東至沙河驛六十七里

西至紅土墻二十七里

南至海六里

北至小盤嶺六十里

中後所城守

東至七里坡六十二里

西至沙河驛十八里

南至海四十里

北至端頭山老邊五里

按寧遠中後所中前所與小凌河巨流河白旗堡小黑山間陽驛八駐防惟寧遠中後所中前所有城守之責故皆開送四至其餘五駐防各有所屬故四至亦不分載

廣寧城守

東至遼河一百九十里奉天將軍專轄界

西至捧馬嶺四十五里義州城守界

南至海一百里

北至白土廠五十里蒙古界

東南至鐵場堡一百五十里牛莊界

西南至三臺子六十五里錦州城守界

東北至遼河二百三十里開原城守界

西北至魏家嶺五十里義州城守界

義州城守

東至醫巫閭山五十里廣寧城守界

西至劉龍臺六十餘里邊界

南至齊家堡四十五里錦州城守界

北至邊二十里蒙古界

東南至迎仙鋪七十里錦州城守界

西南至松嶺子一百四十里蒙古界

東北至魏家嶺九十里廣寧城守界

西北至九官臺三十里蒙古界

寧古塔將軍所轄疆域 自吉臨烏刺城計里

東至海三千餘里

西至威遠堡門五百九十五里開原縣界

南至長白山一千三百餘里其南朝鮮界

北至拉哈福阿色庫地方六百餘里蒙古界

東南至希喀塔山二千三百餘里海界

西南至英額門七百餘里奉天將軍界

東北至合者飛牙喀三千餘里海界

西北至黑兒蘇門四百五十餘里蒙古界 西南至

盛京城八百二十餘里至

京師二千三百餘里

吉臨烏喇

疆域與永吉州同

寧古塔

東至海三千餘里

西至俄莫賀索落站二百五十里烏喇界

南至土門江六百里朝鮮界

北至混同江六百里蒙古界

東南至希喀塔山一千五百七十里海界

西南至勒福陳河五百里烏喇界

東北至飛牙喀三千餘里海界

西北至阿爾楚哈七百餘里蒙古界

白都訥

疆域與長寧縣同

阿爾楚哈

東至馬彥河二百里三姓界

西至蘭陵河一百二十里白都訥界

南至莫楞山一百二十里白都訥界

北至松花江七十里蒙古界

東南至蘭陵河一百九十里寧古塔界

西南至喀薩兒河九十里白都訥界

東北至馬彥河三百里三姓界

西北至蘭陵河二百五十里白都訥界

渾春

東至海二百八十里

西至土門江二十里朝鮮界

南至海一百一十里

北至佛思恒山一百二十里土門江界

東南至海一百三十里

西南至海一百二十里

東北至喀爾代窩集一百里海界

西北至喀哈里河一百一十里

打牲烏喇

東至團山子二十三里

西至恩不口二十四里

南至三家村四十里

北至康家屯六十八里

東南至窩合伐三村三十三里

西南至三台村十四里

東北至孔家屯六十二里

西北至康家屯六十八里皆與船廠連界

黑龍江將軍所轄疆域

自齊齊哈爾城計里

東至野里白赫河二千二百餘里寧古塔界

西至喀爾喀九百餘里徹陳罕界

南至松花江五百里寧古塔界

北至外興安嶺三千三百餘里鄂羅絲界 西南至

盛京城一千八百餘里至

京師二十三餘里

齊齊哈爾城

東至通墾河發源之內興安嶺八百五十里嶺以東

黑龍江界

西至雅兒河發源之內興安嶺四百五十里嶺西呼

倫布爾界

東至松花江五百里寧古塔界

北至諾敏河發源之內興安嶺五百六十里河東墨

爾根界嶺西呼倫布爾界

東南至野里白赫河之松花江二千三百七十里寧

古塔界

西南至托新河發源之內興安嶺四百里嶺西喀爾

喀徹陳罕界河南扎薩克圖王界綽爾河下流係

扎拉忒蒙古界

東北至訥墨爾河發源之內興安嶺八百八十里嶺

東黑龍江界河北墨爾根界

西北至內興安嶺之厄赫魯爾山三百五十里嶺西

呼倫布爾界

墨爾根城

東至內興安嶺一百七十里嶺東黑龍江界

西至諾敏河發源之內興安嶺三百里嶺西呼倫布
雨爾界河西齊齊哈爾界

南至訥墨爾河一百六十里河南齊齊哈爾界

北至內興安嶺之衣拉庫爾山一千三百一十里嶺
北黑龍江界

東南至訥墨爾河發源之內興安嶺四百里嶺東黑
龍江界

西南至訥墨爾河入嫩江之河口二百二十里江南
齊齊哈爾界

東北至內興安嶺之厄勒克爾山二百九十五里嶺

北黑龍江界

西北至衣可郭克托山一千二百七十里山北黑龍

江界山西南呼倫布雨爾界

黑龍江城

東至外興安嶺之興滾河二千六百里寧古塔界

西至內興安嶺一百五十里嶺西墨爾根界

南至喀末尼峰之內興安嶺七百里齊齊哈爾界

北至外興安嶺二千五里鄂羅斯界

東南至畢占河一千二百餘里寧古塔界

西南至內興安嶺一千一百里齊齊哈爾界

東北至外興安嶺一千五百里鄂羅斯界

西北至格爾必齊河一千七百九十里鄂羅斯界

呼倫布爾

東至內興安嶺之几爾起克山三百五十餘里嶺東

齊齊哈爾界

西至哈馬里山四百七十里喀爾喀界

南至木克托立山四百四十餘里喀爾喀界

北至安河七百一十餘里河北黑龍江界

東南至內興安嶺之厄赫魯爾山四百餘里齊齊哈

齊界

西南至喀爾喀四百餘里徹陳罕界

東北至衣可郭克托山九百二十里山北黑龍江界

山東南墨爾根界

西北至厄爾古納河二百二十里鄂羅斯界

形勝

盛京

滄海朝宗白山拱峙渾河遼水遶帶西南黑小混同

襟環東北控制諸邦跨馭六合允

帝業之根本洵留守之雄都

興京

層巒疊拱衆水環縈扼諸城之樞據三關之險
發祥勝地鴻業攸基

奉天府

遼東根本之地依山負海其險足恃金史地實要衝東

北一都會元志

承德縣附郭

遼陽州

披山帶河沃野之地

海城縣

羣山拱繞遼海濼流南區要害

蓋平縣

西南渤海環之東北羣山屏列為

留都巖邑

開原縣

跨龍岡臨大漠邊徼咽喉之路

鐵嶺縣

遼水西環虎洞東峙

永吉州

遠迎長白近繞松花

遼寧通志

卷之二十二

形勝

三

長寧縣

江帶三方田沃萬頃

復州

山屏巖固水繞東瀛

寧海縣

西環滄海東枕赫山

錦州府

枕山而襟海西則股肱長安東則咽喉豐沛內屏甸服外控要荒

錦縣 附郭

寧遠州

山海要衝邊關鎖鑰

廣寧縣

負閭山憑渤海踞勝青營扼衝中外

義州

左依北鎮右接燕雲遠控龍邊近繫錦水

鳳凰城

龍原故京白岨峻隘外控鴨綠內屏

留都

吉臨烏喇

與永吉州同

寧古塔

南瞻長白北遶龍江允邊鎮之雄區壯金湯之

帝里

白都訥

與長寧縣同

阿爾楚哈

松花北繞蘭陵東注

渾春

左環滄海右帶門江

齊齊哈爾

鉅野為襟長江作帶近懷屬國遠鎮邊羌扼四達之
要衝為諸城之都會

墨爾根

北負羣山南臨沃野江河襟帶上下要樞

黑龍江

左枕龍江右環興嶺誠茂東國屏藩允矣北門鎖鑰
呼倫布爾

北控鄂羅斯南撫喀爾喀山河險固並重龍江

盛京通志卷之十二

